

Տասներկուերորդ հաղորդում

Շնորհներ Տվողը և Աստծու սպառազինության բաղադրիչները

Գրվածքների ընթերցում. Եփս 4:7-16, 6:10-20

I. Եփս 4:7-16-րդ խոսքերը մեզ են ներկայացնում Քրիստոսին՝ որպես Քրիստոսի օրգանական Մարմնի խորքային կառուցման համար շնորհներ Տվողի. այս կառուցումը տեղի է ունենում Քրիստոսի շնորհի չափի համապատասխան աստվածային շնորհքը տալու՝ բաշխելու շնորհիվ.

Ա. Քրիստոսի Մարմնի յուրաքանչյուր անդամ Մարմնի համար անփոխարինելի շնորհ է՝ խ. 7, Ա Կրթ 12:14-22, Հոմ 12:4-5.

1. Քրիստոսի շնորհն այն մարդն է, որը կազմված է Աստվածային Երրորդության կողմից իր մեջ բաշխված Քրիստոսի կյանքով և տարրով՝ հմմտ Բ Կրթ 1:15:

2. Յուրաքանչյուր օժտված մարդ որոշակի չափ ունի, և աստվածային շնորհքը նրան տրվում, նրա մեջ բաշխվում է այդ չափի համաձայն՝ Եփս 4:16, հմմտ Հոմ 12:3:

Բ. Քրիստոսի օրգանական Մարմնի խորքային կառուցումը տեղի է ունենում այն բանի շնորհիվ, որ Քրիստոսը՝ որպես Իր համբարձման (Իր հարությունը ներառող) մեջ եղող Գլուխը, Իր Մարմնին օժտված մարդիկ է տալիս, ինչպիսիք են առաքյալները, մարգարեները, ավետարանիչներն ու հովիվները և ուսուցիչները, որոնք կազմվում են Աստվածային Երրորդության բաշխմամբ՝ Եփս 4:8-12.

1. Եփս 4:8-ում ասվում է. «Բարձունքը ելնելով՝ Նա գերեվարվածներին գերության տարավ ու մարդկանց շնորհներ տվեց».

ա. Սղմ 68:18-ից մեջբերված «բարձունք»-ը վերաբերում է Սիոն լեռանը (խխ. 15-16), որը խորհրդանշում է երրորդ երկինքը, որտեղ Աստված է բնակվում (Գ Թզ 8:30):

բ. Սղմ 68-ում ենթադրվում է, որ երբ Տապանակը հաղթանակ էր տարել, Աստված, Տապանակի մեջ լինելով, Սիոն լեռը բարձրացավ (Թվց 10:35). սա պատկերում է, թե Քրիստոսն ինչպես հաղթանակ տարավ ու հաղթականորեն երկինքներ համբարձվեց:

գ. Քրիստոսն Իր համընդհանուր երթևեկի և Իր համբարձման միջոցով գերության տարավ նրանց, ում Սատանան գերեվարել էր, և նրանց շնորհներ դարձրեց Իր Մարմնի համար՝ Եփս 4:8-11.

1) Սատանան գերեվարել էր փրկագնված սրբերին նախքան նրանց՝ Քրիստոսի մահով և հարությամբ փրկվելը՝ հմմտ Դկս 4:18:

2) Իր համբարձման մեջ Քրիստոսը նրանց գերեվարեց, այսինքն՝

Սատանայի գերությունից ազատեց ու Իրեն վերցրեց՝ Սղմ 68:18:

- 3) Իր համբարձման մեջ Քրիստոսն Իր հաղթված թշնամիների շարասյան մեջ նրանց՝ որպես Իր գերիների, տարավ դեպի երկինքներ ու նրանց Իր Մարմնի համար շնորհներ դարձրեց:
- 4) Հիմա Քրիստոսը Իր հաղթանակն է տոնում նրանց՝ Իր հաղթված թշնամիների հանդեպ և նրանց՝ որպես Իր գերիների, առաջնորդում է հաղթահանդեսում Իր շարժման մեջ՝ Իր Մարմինը կառուցելու սպասավորությունն իրագործելու համար՝ Բ Կրթ 2:14:

2. Որքան Քրիստոսը շատ է բարձրանում և իջնում մեր ներսում՝ գերեվարելով ու հաղթելով մեզ, այնքան ավելի շատ է մեզ լցնում Իրենով՝ մեզ կազմությամբ Իր Մարմնի համար շնորհներ դարձնելու համար՝ հմմտ Եփս 4:9-10:

Գ. Քրիստոսի օրգանական Մարմնի խորքային կառուցումը տեղի է ունենում այն բանի շնորհիվ, որ օժտված մարդիկ աստվածային բաշխման մեջ կատարելագործում են սրբերին, որպեսզի բոլոր սրբերը կարողանան կատարել նորկտակարանյան սպասավորության աշխատանքը, այսինքն՝ կառուցել Քրիստոսի Մարմինը՝ խխ. 11-12.

1. Օժտված մարդիկ սրբերին կատարելագործում են՝ նրանց ըստ կյանքի ծառի կենսամատակարարմամբ սնելով, որպեսզի նրանք աճեն կյանքում՝ Ծնդ 2:9, Ա Կրթ 3:2, 6:
2. Օժտված մարդիկ սրբերին կատարելագործում են՝ անելու այն, ինչ իրենք են անում՝ Քրիստոսի Մարմնին անմիջականորեն կառուցելու համար՝ Մտթ 16:18, Եփս 4:11-12, հմմտ Ա Տմթ 1:16, 4:12:
3. Այս կատարելագործման արդյունքում մենք բոլորս հասնելու ենք հավատքի և Աստծու Որդու լիակատար գիտության միասնությանը, չափահաս այր լինելուն և Քրիստոսի լեցունության հասակի չափին՝ Եփս 4:13, հմմտ Հվի 17:23:
4. Այս կատարելագործումը մեզ կմղի՝ այլևս չլինելու փոքր երեխաներ, որոնք տարուբերվում են ալիքներից և ուսմունքի ամեն քամուց բշտվում մարդկանց խարդախությամբ, մոլորության սատանայական համակարգը նպատակ ունեցող խորամանկությամբ՝ Եփս 4:14:
5. Այս կատարելագործման շնորհիվ Քրիստոսի Մարմնի յուրաքանչյուր անդամ կդառնա սիրո մեջ կառուցող անդամ՝ ներաճելով Գլխի մեջ և գործառնելով Գլխից՝ խխ. 15-16:

II. Եփս 6:10-20-րդ խոսքերը բացահայտում են, որ Քրիստոսն Աստծու սպառազինության բաղադրիչներն է.

- Ա. Աստծու ողջ սպառազինությունը Քրիստոսի ամբողջ Մարմնի՝ որպես ընդհանրական ռազմիկի համար է, այլ ոչ թե Մարմնի որևէ առանձին անդամի համար. մենք հոգևոր պատերազմը պետք է մղենք Մարմնում, այլ ոչ թե առանձին-առանձին՝ խխ. 10-13, Հկբ 4:7, հմմտ Հռմ 13:12-14, Երկ Օր 32:30:
- Բ. Եփեսացիներին ուղղված թղթի 2-րդ գլխում մենք Քրիստոսի հետ նստած ենք երկնային ոլորտներում՝ մասնակցելով Նրա բոլոր նվաճումներին (խ. 6). 4 և 5-րդ գլխներում քայլում ենք Նրա Մարմնում երկրի վրա՝ իրագործելով Աստծու հավիտենական մտահղացումը (4:1, 17, 5:2, 8, 15). պալա 6-րդ գլխում կանգնած ենք Նրա զորության մեջ երկնային ոլորտներում՝ պատերազմելով Աստծու թշնամու դեմ (խխ. 11, 13-14, հմմտ Ա Հվի 5:4, 18, Հվի 3:6բ):
- Գ. «Ուրեմն կանգնե՛ք՝ ձեր մեջքը ճշմարտությամբ գոտևորած»՝ Եփա 6:14ա.
1. «Ճշմարտություն»-ը վերաբերում է Աստծուն Քրիստոսի մեջ՝ որպես իրականություն մեր ապրելակերպում, այսինքն՝ Աստծուն, ով մեր իրականությունն ու ապրումն է դառնում մեր ապրելակերպում. սա, ըստ էության, Քրիստոսն Ինքն է, ում մենք արտահայտում ենք մեր ապրելակերպում՝ 4:15, 21, 24-25, Հվի 14:6, 8:31-32, 36:
 2. Այն ճշմարտությունը, որով գոտևորվում ենք, իրականում Քրիստոսն Ինքն է, ում փորձառաքար ապրում ենք. քանի որ Պողոսի ապրելակերպը կերպարանակցված էր Քրիստոսի նմուշին, նա ի զորու էր տանելու ողջ հակառակությունը և անբարենպաստ հանգամանքները՝ Եփա 4:20-21, Փլպ 1:19-21ա:
- Դ. «Արդարության լանջապանակը հագած»՝ Եփա 6:14բ, Ա Կրթ 1:30, Երմ 23:6.
1. Քրիստոսը՝ որպես արդարության լանջապանակը, ծածկում է մեր խիղճը, որը խորհրդապատկերված է կրծքով. Սատանայի՝ մեր ամբաստանիչի դեմ պատերազմելու համար մեզ արյամբ մաքրված խիղճ՝ անխոչընդոտ խիղճ է անհրաժեշտ՝ Եբր 9:14, 10:22, Գրծ 24:16:
 2. «Եվ նրանք նրան հաղթեցին Գառան արյան շնորհիվ» (Հյտ 12:11). Սատանայի ամբաստանություններին մեր արձագանքը պետք է լինի. «Ես Սատանային՝ ամբաստանողին, հաղթում եմ ոչ թե իմ կատարելությամբ և նույնիսկ ոչ էլ իմ անխոչընդոտ խղճի շնորհիվ, այլ Գառան արյան շնորհիվ. ես պաշտպանված եմ նրա մեղադրանքներից արդարության լանջապանակով»:
- Ե. «Եվ խաղաղության ավետարանի ամուր հիմքը ձեր ոտքերին հագած»՝ Եփա 6:15.
1. Քրիստոսը խաչի վրա մեզ համար թե՛ Աստծու, թե՛ մարդու հետ խաղաղություն հաստատեց, և այս խաղաղությունը մեր ավետարանն է դարձել. խաղաղության այս ավետարանը հաստատվել է որպես ամուր

հիմք, պատրաստակամություն, որը կարող ենք մեր ոտքերին հագնել՝ 2:13-17:

2. Մենք հոգևոր պատերազմը մղում ենք՝ կանգնելով խաղաղության մեջ. եթե կորցնում ենք խաղաղությունը մեր և Աստծու կամ մեր և այլ հավատացյալների միջև, կորցնում ենք պատերազմելու դիրքը՝ Կղս 3:15:
2. «Այս ամենից բացի՝ հավատքի վահանը վերցրած, որով կկարողանաք չարի բոլոր բոցավառված նետերը հանգցնել»՝ Եփս 6:16, Բ Կրթ 4:13, Եբր 12:2.
 1. Բոցավառված նետերը Սատանայի փորձությունները, առաջարկները, կասկածները, հարցերը, ստերն ու հարձակումներն են. մենք պետք է վերցնենք հավատքի վահանը, որպեսզի հանգցնենք այս բոցավառված նետերը:
 2. Մենք պետք է վարժենք հավատքի մեր հոգին՝ ենթարկված և հարուցանված կամքով հանդերձ, որպեսզի հավատանք, որ Տիրոջ հայտնի դարձվելը բանասերկուի գործերը ոչնչացնելու համար է՝ Ա Հվի 3:8, Մտք 16:22-23, Ղկս 4:39-41, Մտք 12:28, Ղկս 10:17, 19:
 3. Մենք պետք է վարժենք հավատքի մեր հոգին, որպեսզի հավատանք, որ Տիրոջ մահը ոչնչացրել է Սատանային՝ Եբր 2:14, Ծնդ 2:17, 3:15, Գղտ 2:20, Հռմ 6:3-6, Ա Կրթ 15:54-58:
 4. Մենք պետք է վարժենք հավատքի մեր հոգին, որպեսզի հավատանք, որ Տիրոջ հարությունը ամոքահար է արել Սատանային՝ Կղս 2:12-15, 20, 3:1, Հվի 14:30, Փլպ 3:10, Եսյ 61:10, Ջք 3:4-5:
 5. Մենք պետք է վարժենք հավատքի մեր հոգին, որպեսզի հավատանք, որ Տիրոջ համբարձումը շատ ավելի վեր է Սատանայի գործությունից՝ Եփս 1:19-23, 2:6, 6:11, 13:
 6. Մենք պետք է հավատք ունենանք Աստծու հանդեպ, ով իրական, կենդանի, ներկա և հասանելի է՝ Մրկ 11:22, Հյտ 1:18:
 7. Մենք պետք է հավատք ունենանք Աստծու սրտի հանդեպ. Աստծու սիրտը մեր հանդեպ միշտ բարի է. Նա չունի մեզ պատժելու, մեզ ցավ պատճառելու կամ մեզ կորուստ կրել տալու մտադրություն՝ Հռմ 8:28-39:
 8. Մենք պետք է հավատք ունենանք Աստծու հավատարմության հանդեպ. Աստված չի կարող ստել, Նա միշտ հավատարիմ է Իր խոսքին՝ Ա Կրթ 1:9, Ա Հվի 1:9, Տտս 1:2:
 9. Մենք պետք է հավատք ունենանք Աստծու ընդունակության հանդեպ՝ Եփս 3:20:
 10. Մենք պետք է հավատք ունենանք Աստծու խոսքի հանդեպ. Աստված կապված է այն ամենը կատարելու պարտավորությամբ, ինչ ասել է՝ հմմտ Ա Թաղ 5:24, Եփս 6:17-18:
 11. Մենք պետք է հավատք ունենանք Աստծու կամքի հանդեպ՝ 1:5, 9, 11:
 12. Մենք պետք է հավատք ունենանք Աստծու գերիշխանության հանդեպ.

Նրա գերիշխանությամբ նույնիսկ մեր սխալներն են աշխատում բարիքի համար՝ Հռմ 9:19-29:

Է. «Ընդունեցեք փրկության սաղավարտը»՝ Եփս 6:17ա.

1. Փրկության սաղավարտը մեր միտքը, մտածողությունը չարի արձակած բացասական մտքերից ծածկելու համար է. այսպիսի սաղավարտը՝ այսպիսի ծածկոցը, Աստծու փրկությունն է:
2. Սատանան մեր միտքը վախ, սպառնալիքներ, տագնապներ, անհանգստություններ և այլ թուլացնող մտքեր է ներարկում. Աստծու փրկությունն այն ծածկն է, որն ընդունում ենք այս ամենից պաշտպանվելու համար. և այս փրկությունը փրկող Քրիստոսն է, ում փորձառաբար ապրում ենք մեր ամենօրյա կյանքում՝ Հվի 16:33, Փլպ 1:19, Հռմ 5:10, 10:12-13:

Ը. Ընդունեցեք «Հոգու սուրը, Հոգու, որը Աստծու խոսքն է»՝ Եփս 6:17բ.

1. Աստծու սպառազինության վեց տարրերից միայն Հոգու սուրն է օգտագործվում թշնամու վրա հարձակվելու համար. այս սրի օգնությամբ մասնատում ենք թշնամուն:
2. Քրիստոսի՝ որպես Հոգու և խոսքի շնորհիվ ունենք սուրը՝ որպես թշնամուն հաղթելու և սպանելու հարձակողական զենք:
3. Երբ «լոգոս»-ը (Աստվածաշնչի մշտական խոսքը) մեզ համար դառնում է «ռեմա» (Հոգու ներկա, ակնթարթային, կենդանի և անձնական կերպով խոսելը), այս «ռեմա»-ն սուրն է, որը մասնատում է թշնամուն՝ հմմտ Հվի 6:63:

Թ. «Ամեն աղոթքի ու խնդրվածքի միջոցով՝ ամեն ժամանակ հոգում աղոթելով և դրա համար արթուն լինելով ամենայն հաստատակամությամբ ու բոլոր սրբերի վերաբերյալ խնդրվածքով»՝ Եփս 6:18.

1. Աղոթքը կարելի է Աստծու սպառազինության յոթերորդ տարրը համարել, որովհետև դա այն միջոցն է, որով կիրառում ենք մյուս տարրերը:
2. Աղոթքը Քրիստոսին որպես Աստծու սպառազինությունը կիրառելու եզակի ճանապարհն է. հենց աղոթքն է սպառազինությունը մեզ համար գործնականում հասանելի դարձնում: